




第一四三冊

四庫全書

●上海古籍出版社

本冊目次

御定歷代賦彙(四)
外逸補遺集

清康熙四十五年
陳元龍奉敕編……一

欽定四庫全書

集部
御定歷代賦彙外集卷二

詳校官檢討臣劉 炳

主事銜臣徐以坤覆勘

總校官編修臣王燕緒

校對官中書臣王慶長

謄錄監生臣余嘉穎

欽定四庫全書

御定歷代賦彙外集卷一

言志

慰志賦

漢 崔 篆

嘉昔人之遺辰兮美伊博之選時應規矩之儗質兮過
班超而裁之協筆規之貞度兮同斷金之玄策何天道
於盛世兮超千載而垂績豈修德之極致兮將天祚之
悠適懸予生之不造兮丁漢氏之中微氣寬鬱以橫厲
欽定四庫全書

御定歷代賦彙外集

兮義和忽以潛暉六柄制於家門兮王綱摧以陵遲黎
共奮以跋扈兮界浞狂以恣睢暗慢藏而乘蒙兮竊神
器之萬機思輔弼以喻存兮亦號咷以訓咨嗟三事之
我負兮乃迫予以天威豈無熊僚之微介兮悼我生之
穢夷庶明詰之末風兮懼大雅之所譏遂翕異以委命
兮受符守乎艮維恨遭閉而不隱兮遠石門之高蹤揚
蛾眉於復關兮犯孔戒之治容懿氓蚩之悟悔兮慕白
駒之所從乃稱疾而屢復兮歷三祀而見許悠輕舉以

遠遁兮託峻危以幽處靜潛思於至蹟兮騁六經之奧
府皇再命而紹邨兮乃眷顧乎建武運機槍以雷掃兮
清六合之土寓聖德滂以橫被兮黎庶愜以鼓舞闢四
門以博采兮彼幽救之我舉兮畫定而計決兮宣云賁
乎彼鄙苟遂懸車以繫馬兮絕時俗之進取歎暮春之
歲服兮闔衡門以埽軌聊優游以永日兮守性命以盡
齒貴啟體之歸全兮庶不忝乎先子

顯志賦有序

漢 馮衍

欽定四庫全書

御定歷代賦類外集

二

馮子以大人之德不碌碌如玉路路如石風興雲蒸一
龍一蛇合道翔翔與時變化夫豈守一節哉上隴阪騰
高岡遊精宇宙流目八紘眇然有思凌雲之意乃作賦
自廣命篇曰顯志云

開歲發春兮百卉含英甲子之朝兮汨吾西征發軔新
豐兮徘徊鎬京陵飛廉而太息兮登平陽而懷傷悲時
俗之險阨兮哀好惡之無常奪衡石而意量兮隨風波
而飛揚紛綸流於權利兮親雷同而妒異獨耿介而慕

古今豈時人之所意沮先聖之成論兮遠名賢之高風
忽道德之珍麗兮務富貴之樂耽遵大路而徘徊兮履
孔德之窈冥固衆失之所眩兮孰能觀於無形行動直
以離尤兮先前人之所有內自省而不慙兮遂定志而
弗改欣吾黨之唐虞兮隱吾生之愁勤聊發憤而揚情
兮將以蕩夫憂心往者不可攀援兮來者不可與期病
沒世之不稱兮願橫逝而無由陟雍時而消搖兮超略
陽而不反念人生之不再兮悲六親之日遠陟九峻而

欽定四庫全書

御定歷代賦類外集

三

臨爰薛兮聽涇渭之波聲顧鴻門而歎歎兮哀吾孤之
早零何天命之不純兮信吾罪之所生傷誠善之無辜
兮齎此恨而入冥嗟吾思之不逮兮豈敗事之可悔雖
九死而不瞑兮恐余殃之有再波汎瀾而雨集兮氣滂
濤而雲披心怫鬱而紆結兮意沉抑而內悲賦太行之
嵯峨兮觀壺口之崢嶸悼丘墓之蕪穢兮恨昭穆之不
榮歲忽忽而日邁兮壽冉冉其不與恥功業之無成兮
赴原野而窮處昔伊尹之干湯兮七十說而乃信皋陶

欽定四庫全書

御定歷代賦類外集

四

河華之決濟兮望秦晉之故國憤馮亭之不遂兮愠去疾之遭惑流山岳而周覽兮徇碣石與洞庭浮江河而入海兮沂淮濟而上征瞻燕齊之舊居兮歷宋楚之名都哀羣后之不祀兮痛列國之為墟馳中夏而升降兮路紆軫而多艱講聖哲之通論兮心惛憶而紛紜惟天路之同軌兮或帝王之異政堯舜煥其蕩蕩兮禹承平而革命并日夜而幽思兮終餘悼而洞疑高陽邇其超連兮世孰可與論茲訊夏啟於甘澤兮傷帝典之始傾

欽定四庫全書

御定歷代賦類外集

五

梁善忠信之救時兮惡詐謀之妄作聘申叔於陳蔡兮禽荀息於虞號謀犁鉏之介聖兮討臧倉之惡知嫫子反於彭城兮爵管仲於夷儀疾兵革之寢滋兮苦攻伐之萌生沉孫武於五湖兮斬白起於長平惡叢巧之亂世兮毒縱橫之敗俗流蘇秦於洹水兮幽張儀於鬼谷澄德化之陵遲兮烈刑罰之峭峻燔商鞅之法術兮燒韓非之說論誚始皇之跋扈兮投李斯於四裔滅先王之法則兮禍寢淫而宏大援前聖以制中兮矯二王之

騎春臨齊女於絳臺兮餐椒舉於章臺摘道德之光耀
兮匡衰世之眇風襄宋襄於泓谷兮表季札於延陵撫
仁智之英華兮激亂國之末流觀鄭僑於漆浦兮訪晏
嬰於營丘日噎噎其將暮兮獨於邑而煩惑夫何九州
之博大兮迷不知路之南北駟素虬而馳騁兮乘翠雲
而相伴就伯夷而折中兮得務光而愈明教子高於中
野兮遇伯成而定慮飲真人之德美兮淹躊躇而弗去
意斟湛而不澹兮俟回風而容與求善卷之所存兮遇
欽定四庫全書

築蕙若而為室播蘭芷於中庭兮列杜蘅於外術攢射
干而雜靡蕪兮搗木蘭與辛夷光扈扈而煬燿兮紛郁
郁而暢美華芳曙其發越兮時恍忽而莫貴非惜身之
軼軻兮憐衆美之傾顙遊精神於大宅兮抗玄妙之常
操處清靜以養志兮實吾心之所樂山嵒嵒而造天兮
林冥冥而暢茂驚回翔索其羣兮鹿哀鳴而求其友誦
古今以散思兮覽聖賢以自鎮嘉孔丘之知命兮大老
聃之貴玄德與道其孰實兮名與身其孰親陵山谷而
閒處兮守寂寞而存神夫莊周之釣魚兮辭卿相之顯
位於陵子之灌園兮似至人之髣髴蓋隱約而得道兮
羌窮悟而入術離塵垢之窈冥兮配喬松之妙節惟吾
志之所庶兮固與俗其不同既傲儻而高引兮願觀其
從容

敘志賦

魏
韋
誕

肩鴻烈之末流蒙祖考之餘德奉過庭之明訓納微躬
於軌則勉四民之耕耘遂能辨乎菽麥自弱冠而立朝

無匡時之異才每宿寐以歎思思頃已而降階遭大魏之革命網羣士於行賊雖固陋之無用猶收錄而序飾歷文武於機衡擁大璫於帝側隨倫儕以按牒乃剖符而封殖顧儀服而增憤心夕惕以愧慙蒙聖皇之宏恩過待卑於卿士奉朝請於朔望恭稟事於郊祀念余年之冉冉忽一過其如馳微奇功以佐時徒曠官其何為匪遜讓之足徇信神氣之稍衰將訴誠於明后乞骸骨而告歸

欽定四庫全書

御定歷代賦彙外集

魏 劉 楨

遜志賦

幸遇明后因志東傾披此豐草乃命小生生之小矣何茲云當牧馬於路役車低昂愴悵惻切我獨西行去峻漢之鴻洞觀日景於朝陽釋叢棘之餘刺踐櫟林之柔芳敷玉琴以曜目榮日華以舒光信此山之多靈何神分之煌煌聊且遊觀周歷高峯仰攀高枝側身遺陰磷磷礧礧以廣其心伊天皇之樹葉必結根於仁方捐吳夷於東隅擊畔臣乎南荆戡干戈於內庫我馬繫而不

行揚洪恩於無涯聽頌聲之洋洋四寓莫以無為玄道

穆以普將翼俊又於上列退仄陋於下場襲初服之蕪歲託蓬蘆以遊翔豈敢言而云爾乃旦夕之可忘

遜志賦 有序

晉 陸 機

昔崔篆作詩以明道述志而馮衍又作顯志賦班固作幽通賦皆相依仿焉張衡思玄蔡邕玄表張叔哀系此前世之可得言者也崔氏簡而有情顯志壯而汎濫哀系俗而時靡玄表雅而微素思玄精練而和惠欲麗前人而優游清典漏幽通矣班生彬彬切而不絞哀而不

欽定四庫全書

御定歷代賦彙外集

九

怨矣崔蔡沖虛溫敏雅之屬也衍抑揚頓挫怨之徒也宜亦窮達異事而聲為情變乎余備託作者之末聊復用心焉

武定鼎於洛汭胡受瑞於汝墳踴躍鳴鳳於百祀敬敬仲乎方震苟天光之所照宜舜族其必陳歷裡祀於故墟饗禴祭於東鄰禰八葉而相茂舞九韶乎降神系姜婁於海曲表滄流於遠震仰前蹤之縣邈宜孤人之能冒

匪世祿之敢懷傷茲堂之不構理或睽而後合道有夷而弗順傳栖巖而神交伊荷鼎以自進蕭綢繆於豐沛故攀龍而先躍陳頓委於楚魏亦凌霄以自濯伍被刑而伏劔魏和我而擁樂彼殊塗而並致此同川而偏溺禍無景而易逢福有時而難學惟萬物之運動雖紛紛而相襲隨性類以曲成故圓行而方立要信心而委命援前修以自程擬遺跡於成軌詠新曲於故聲任窮達以述止亦進仕而退耕庶斯言之不渝抱耿介以成名

欽定四庫全書

謝安集卷外集

十

勵志賦

魏丁儀

覽前志而博觀求余心之所安雖疲驚而才弱敢舍力而不攀懿躬稼之克在賤甚射而隕殘羨首陽之遺譽憎干駟之餘訟宗舍藏之偉節薄鼎角之自干嘉法言之令惕倬說難之喪韓鑒登險之敗績顧清道以自閒瞻亢龍而懼進退廣志於伐檀雖德厚而祚卑猶不忘於盤桓薰以芬香而自燒兔亦取斃於蒙翰援大雅以為戒眺冀勝而自歎嗟世俗之參差將未審乎好惡咸

隨情而與議固真偽以紛錯穢枯孟之周用令瑚璉以抗閭恨騾驢之進庭屏駢驥於清聲疾青蠅之染白悲小弁之靡託惡晨婦之蒙厚痛三代之見薄惟受性之樸拙亮未達乎測度顧鍾子之既沒牙輟絃而不作敦三思之彌憤動循牆之茲恪勉夕改以補朝履日新而悔昨

勵志賦

元涂幾

子幼負此奇志兮思時俗之所難薄榮名而不顧兮將遺斯世之治安惟任重而道遠兮懼吾力之已殫雖委

欽定四庫全書

謝安集卷外集

十一

絕而猶不悔兮誓將歷乎險艱彼小人之無知兮方笑予行之速違雖一二之同志兮亦僅以文學而相憐仲尼甘於旅寓兮聘列國而奉孝禹營稷之辛勤兮哀夫人之瘠指吾誠不及古之人兮諒天命之可懷負衣冠而不力兮又何取乎三才步中正以為軌兮服仁義以為軌審孜孜以無倦兮俟吾死而焉求飢吾飲乎水泉兮困吾枕乎荆棘指蒼天以為正兮予匪計乎朝夕

表志賦 有序

晉 裴 據

據忝職門下在帷幄之末與羣士敘齊登王陞待日月久矣出為冀州刺史大馬戀主既有微情且志之所存不能無言因而賦之曰

過承嘉會擢身泰辰俯躡丹墀仰承三辰當樂夏之凱南蒙未陽之和仁接鳴鸞之垂翼因神蚘之光鱗得眇末之纖質濟吾月於天津邀盧敖之所涉階多士之遺塵登九垓之虛軌觀汗漫之威神情飄飄而凌雲意騁欽定四庫全書

御定歷代賦集外集

十三

髴於真人扶搖薄於懸圃增城鬱以嵯峨被羽衣之飛飛據若蕙之芳華蹈糾紛之絕軌攀大椿之疎柯意翹翹而慕遠思濯髮於天波悲落葉之思條情戀戀於昊蒼懷聖德之弘施情慘切而內傷感有莘之勝臣願致主於陶唐

言志賦

梁元帝

天文既表人文可觀知負辰之未易信握鏡之云難差立極而補天驗璧合而珠連有庖羲之八索稱朱夏之

五絃聞夏王之鑄鼎重農皇之播田雖車軌之未同璽

彌媿於棟隆戮封豕於海內斬長狄於區中懷宿昔之

瑱璫並來遊於苑園悲元瑜之已逝歎靈光之獨存想

延賓於北閣因置酒於南軒聞鶯鳴而懷友聽長笛其

何言夙有尚於清靜叨再入於鄢郢東窺文命之穴南

望洪崖之井遂撫運而登庸謬垂旒而卷領雖有媿於

前英每求友於未明召司烜而照夜觀執珪而滿度誠

雖休以勿休實旨酒之忘憂絕陽阿之妙舞廢繇駒之

欽定四庫全書

御定歷代賦集外集

十三

善謳彼知止與知足復何營而何欲柱何用於黃金崇寧勞於青玉爾乃高步北園用蕩鷺頰柱偃蹇而臨棟石穹隆而架門對灌木之修聳觀激水之飛奔潤不風而自響天無雲而晝昏聞賓鴻之夜飛想過沛而霑衣况登樓而作賦望淮海而思歸

述志賦

晉 曹 攄

慕浮雲以抗操耽草食之自娛羨首陽之皎節歎南山之高疏哀夫差之潤惑詠楚懷之失圖悲伍員之沉悴

痛屈平之無辜嘉沮溺之隱約羨接輿之狂歌顧大雅
之先眉偉明哲之所經微見機而遂逝比舍生而親名
道殊塗而同歸要踰世而並榮舜拘忤於焚廩孔怵惕
於陳匡紛走蹇之若斯何遭運之可常情恍忽以回迷
夢乘雲而飛颺駕鸞鳳之靡靡載龍旂之洋洋周九州
而騁目登四岳而永望承聖詔而砥礪奮羽儀而翱翔
被蘭妃之芳華帶鍾山之玉英飾吾冠之岌岌美吾珮
之玲玲悲盛衰之遞處情悠悠以紆結攬萱草以掩淚

欽定四庫全書

御定歷代賦彙外集

卷四

曾一歎而九咽

述志賦

隋蕭后

承積善之餘慶備箕帚於皇庭恐修名之不立時負累
於先靈迺夙夜而匪懈實寅懼於玄冥雖自然而不息
亮惠惜之所滯思盡節於天衢才追心而弗逮宴厲薄
之多幸荷隆寵之嘉惠賴天高而地厚屬王道之昇平
均二儀之覆載與日月而齊明迺春生以夏長等品物
而同榮願立志於恭儉私自就於戒盈孰有念於知足

苟無希於溢名惟至德之弘深情不適於聲色感懷舊
之餘思求故劬於宸極叨不世之殊盼謬非才而奉職
何寵祿之踰分撫冒稟命未識雖沐浴於恩光內慚惶
而累息顧微躬之寡昧思令淑之良難實不遑於啟處
將何情而自安若臨深而履薄心戰慄其如寒夫居高
思危持滿防溢知恣夸之非道乃攝生於冲隘嗟寵辱
之易驚上無為而抱一履謙光而守貞且顧安乎容膝
珠簾玉箔之奇金屋瑤臺之美雖時俗之崇麗蓋吾人

欽定四庫全書

御定歷代賦彙外集

卷五

之所鄙何締綰之不工豈絲竹而喧耳知道德之可尊
明善惡之由己屏囂煩之俗慮乃服膺於經史綜歲誠
以訓心觀女史而作軌遵古賢之令範冀福祿之能綏
時修經而三省覺今是而昨昨非嗤黃老之指思信為善
之可依慕周姬之遺風美虞妃之聖則仰先哲之高才
貴至人之休德質菲薄而難縱心恬愉而去惑乃平生
之耿介實禮義之所遵雖生質之不敏庶積行以成仁
惟達人之蓋寡為何求而自陳誠素志之難寫同絕筆

於獲麟

述志賦

張九成

伊余生之好修兮紛溷濁而獨清朝飲藍橋之雲液兮
夕餐月殿之落英製芙蓉以為裳兮紉蘭芷以為佩躡
天風予上征兮將以朝於玉帝朝發軔於秦華兮夕予
叩乎天閭覽瑤臺珠閣之窅兀兮騁蒼蚪與鳳以駿奔
吾與羣仙遨遊兮曰蓬瀛乎此焉處既徘徊而四顧日
與月為吾侶豐隆列缺其先驅兮提槍招徠為吾埽除
欽定四庫全書

御定歷代賦彙外集

十一

廓氛埃而下視兮塊五嶽其尊壘攬四溟而一瀉兮宴
王母乎崑崙之隈忽憑几而坐寤兮知萬事其如夢聊
與此世而婆娑兮長笛呼風而三弄憫屈平之懷沙兮
笑子雲之投閣已攬袂而歎起兮張星移而月落

述志賦

元 胡天游

繫余生之碌碌兮承祖考之餘輝方年髫而志學兮思
踵武於前徽何中道之屯蹇兮終抱志而莫展霜毛颯
以垂頰兮懼五十而無聞挾遺編以私淑兮庶弗墜於

斯文嗟蚩蚩之世俗兮紛賤目而貴耳顧區區之魯人
兮尚弗知乎尼父青黃眩而莫分兮美惡混而相同計
微功於坤誦兮希速化於頤蒙朝早辭以致幣兮夕怠
色而忘禮羣飛點而玉沈兮眾口哆侈而金燬毛墻觀
立而自揚兮曾不中乎塞修抱雙璧以行媒兮反效鞠
局而早是求謂驛驢為下棄予以款段為疾足米鬼茨
於道周子登砥砮於犀櫓般紛紛其得志兮長裾曳地
濟濟而相望俛爭食於雞鶩兮仰闚視而揚揚余方索
欽定四庫全書

御定歷代賦彙外集

十二

居子立而無與倚兮聊逍遙乎林下睇浮雲以舒嘯兮
倚翠竹而為伍崇續紛其枳棘兮時覽德而踟躕嘶飢
鶩之疾盼兮攫腐鼠而嚇余龍門萃偉以干雲兮亦何
往而不我階彼蜺蜺之龜龜兮夫豈入於我懷阿容堵
世以希寵靈兮誠有識之所嗤使余為倚市之倡兮孰
與夫容谷而幽居撫青萍以自珍兮曰有待夫知已儻
千金而非吾徒兮寧挂壁而無恥惟聖賢之與愚兮亦
皇皇而西東矧吾人之數奇兮敢背道而慍窮題達觀

之無不可兮付出處於流歎苟素志靡違兮又何傷乎
感願正余冠之雀鬼兮理余焚之鐙將良時詎不可再
得兮姑從容而徜徉

述志賦

明劉基

鮮余生之眇眇兮荷后皇之深仁具五氣以成形兮受
明命而為人體乾坤之粹精兮睇日月之景光漱飛泉
之華滋兮浥灑露之醇英製杜衡以為衣兮藉萱若之
菲菲佩琳琅之玲瓏兮帶文藻之蕤蕤朝濯髮於蘭池

欽定四庫全書

御定歷代賦彙外集

六

兮夕偃息乎瓊苑願馳騫以遠遊兮及白日之未晚駕
輕軺之將將兮服蒼蚪之駢駢遵大路以周流兮曳虹
蜺之委蛇挾長離而乘鵬兮款閭闔之九門豐隆為余
先導兮百靈為余駿奔前燭陰以啟塗兮颺凱風使清
埃覲北斗於文昌兮朝玉皇於帝臺食玄圃之丹雘兮
澡天潢之芳津激微蕝於桂枝兮輕波起而龍鱗清都
不可以久留兮忍乘雲而遐征浮江湖之浩茫兮陵山
嶽之崢嶸野莽蒼以多榛兮路險隘而行曲猥揄魚焦

欽定四庫全書

御定歷代賦彙外集

七

而攫噬兮蛟蛇蜿蜒以當陸鬱忡忡以怵惕兮道皇皇
以營營兩淫淫而不止兮露黯黯以晝冥烏鵲號以成
聲兮鳳孤棲而無所楚屈原之獨醒兮衆皆以之為咎
欲振迅以高舉兮無六翮以奮飛將脂韋以從俗兮非
余心之所怡長太息以增歎兮哀時世之異常棄韶夏
而非聽子登傑係於中堂芟軒子以和羹子脍鮑魚而
實俎斯梗槁以給費子束荊棘而為柱抱雷屨於丘陵
兮怨鮐鯉之弗獲虎兕追於山林子循戶庭以求索前
蒙瞽以指塗兮強揚子使操轅命侏儒令舉鼎兮則都
盧使守閭歲冉冉而將頽兮日曖曖以就昧松柏摧而
根死兮江河化而為滄秣余馬於不周兮整余轡於樊
桐無蒼龜以決疑兮迷不知余所從搏扶搖以為輿兮
攬列缺以為輶騶青鸞之芟芟子超煙靄而上浮梁天
津以濟河兮睇紫微之神闕開明怒目而電視兮獵豹
吼而山裂進無人以為之先容兮欲自獻而不敢氣勃
鬱以憑中兮心惻傷以惛憫過少微而歷明堂兮就軒

轅而陳情雷震辟其隱麟兮馬辟易而不行訪六符於
泰階兮求民極之所在咎繇不可以作兮競狂直以為
罪凌天街以徑度兮造旬始而瞻西清眾畏讒而卷舌
兮孰能白予之忠誠怙悞其無止兮然悄悄以狐疑要
傅說於箕尾兮命靈龜使占之曰有名必有實兮若形
影之相因想福極出自天兮又何尤乎世之人鼎胡蹄
而不烹兮旗胡張而弗麾孤不可以射侯兮駟不可以
策而馳衆蠕蠕以朵頤兮若頽波之東趨謂瞿為弗
章兮愛羸豕之負塗方不可利而規兮白不可涅而黑
悲桂椒之芬芳兮與朝菌而偕落殷比干之剖心兮時
宜不知其為聖人魯仲尼之過化兮焉役役而無所容
其身由強義而罹殃兮惠直道而被黜子胥忠而殞命
兮伯夷清而不食將登山而迷路兮欲涉水而無航東
西南北安所之兮顧焉擇其所長神冥冥而不下兮龜
又厭而弗告思糾結而不抽兮意怏忽以震悼忍濫汎
以遊舉兮行游目於大荒羲和不可攀而留兮恐年歲

之弗將駕廣漠而南征兮叫重華於九疑山岑岑以蔽
天兮江淼淼而不可窺遭吾道夫西陸兮聽鳴鳳於岐
陽慨禾黍之離離兮梧桐推而不生浮龍門以沂河兮
訪夏后之遺跡川漬混而不分子鯨鯢起而人立攬騁
轡而迴驚兮謁陶唐之舊京無衣裳以禦寒兮哀蟋蟀
之悲鳴心悵悵以增傷兮神夢夢其若醉淚洛洛以交
流兮憂湛湛兮而來會傳說之版築兮無武丁其誰舉
夷吾不逢夫鮑叔兮竟淪沒於囹圄推竭心以服勤兮
上介山而立枯種霸越而滅吳兮終刻頭於屬鏤樂毅
升於金臺兮何逃遁而走趙周條侯之耿介兮卒含怨
以餓孝忠有蔽而不昭兮道有塞而不行名不可強而
立兮功不可期而成李斯上書以相秦兮空自陷於罪
尤買臣顯而僂辱兮宜如負薪之無憂魚赴餌以中鈎
兮堆慕媒而膺鋪鳳凰翔於丹穴兮又何患乎增弋返
余旆之騎旋兮還余車之轡轉米薇薇於山阿兮擷芹
藻於水濱洎玄泉以瑩心兮坐素石以怡情聆嚶鳴之

悅豫兮玩卉木之敷榮挹清風之泠泠兮昭秋月之娟娟登高丘以詠歌兮聊逍遙以永年

述志賦

明 陶望齡

維東揚之奧閩兮曰無餘之舊都舒川巖之清淑兮鑿靈拓之所廬邇子系之云邇兮玄胄紹於陶唐美厥土而安宅兮肇德里而允臧伊予躬之孔辰兮值先烈其猶未墜嗟荏弱之耆惑兮愴顛顛而鮮惠踰跡迹而已却兮望救丘而猶躋器與時而多邇兮材絕志而弗信欽定四庫全書

御定歷代賦彙外集

三

雖於容而好飾兮終歷齒而軼脣長不譽於州部分幼鮮聞於鄉曲託微寄於練緇兮傲卑栖而自局發蒼水之閔藏兮歷歲皇之遺躅要聞史於崇椒兮問幽人於湖澳儻憑噫而超躋兮覽皇運之休嘉爰布耆而假筮兮曰利賓於王家疎修缺以假裝兮紛長珮之瑤瑤連天衢而速蹕兮去下里之喧誇嚙翔飛之弱幹兮星瀟天乎網羅鍾鏗鏘而駭禽兮軒轅紛乎寵鶴鷹鷹擊於車箱兮遂蹢踉而高躍魂怔營而懷恍兮聊撫心而載

志維承明之峻密兮列椒蘭以為植奉大雅之悃誨兮

振華纓而來蒞翔翔白玉之館兮僦宿青綺之被花茸茸而鋪院兮草葉葉而為臺凌玉清而邈紫虛兮況方丈之與蓬萊眩恩重而月輕兮若據輦而虞扞將沉處而浮居兮非子心之所善羣侏儒以爭飽兮入金門而迷世儕優笑而驚進兮競周容之泄泄雖依隱而諫諫兮信流風之云翳吾丘興於格五兮終又竭之以長纓馬工文而鉅麗兮羌長悠而勸淫禹橫經而作師兮紛

欽定四庫全書

御定歷代賦彙外集

三

彬彬於擊輓辟數子於大道兮何異於甌栖之耆芮抱前修之遺則兮求賢聖之所經汨予懷之靡及兮耿申旦而未寧聊假寐而宴息兮發六候於精誠洵浮虛之為疾兮余夢適於羽民之國忽衝臆來余御兮矯垂天之健翼歷星辰而上抵兮居太一之所處命卑卑以為載兮假客許而揖余闔道寄以難窺兮關梁萃其可渡涉五潢而止舍兮九游續以先路蹈天花之閭曠兮倚旄頭而遙瞻憤貪狼之標投兮夫何封豕之咆勃吾令

白虎主伐兮鞭列缺以舉燧慮豐隆之吾欺兮逗壘壁而左次揮天枹兮擊河鼓威孤奮兮玄戈孔武欲往狙兮余無馬時甚良兮日吉余將遊兮營之室乘雲兮高驥觀八駿兮馳天倉信飽瓜之不食兮何牽牛之服箱心倏倏而弗舒兮逢巫咸之來謁指閭闔其非迷兮靈瑣開而未開時冉冉而易邁兮羌何為兮陸沈匪帝閭之我禦兮紫宮蓋使媚紆鬱而嚴深盼開陽而少憇兮聞嘈嘈之廣樂兮方超超而欲進兮忽魂開而形拓整容

擬述志賦

明黃輝

純德兮亦捐美而去醜蘭鬪芳於幽崖兮亮駢滋乎蕭艾玄駒救於封丘兮齊說象而稱大羶匪慕以競時兮膏匪焚而邀害不近名以立辟兮固聖賢之所佩重曰撫躬迪訓心所躋兮維德之宅勿阨靡兮外適常足內賈疊兮修身繕性事君子兮委命不二惟所使兮夫何泰始之麗昧兮遂革化而至今世滔滔其相勝兮及頽波之汨淫邈來茲其焉往兮撫曩昔而不任嗟上下古今之無窮兮予在四之中央老冉冉而待人兮懷鬱鬱而屢更憶在韶而若昨兮觸陳臧而慨恍何休貞之艱遭兮助屯否其互傾古之人今皆安如今置山川盤錯而無恙試登臨兮金臺即聘望兮崔嵬藹積霖兮乍豁剎涼颼兮徐來鳴蜩抱葉兮鴻雁爭飛林楚瑟以甫歌兮露湛湛而為璣四寥廓而無倚兮中怡悵而若遺氣舒軫而不舒兮長太息以掩涕望八極甚茫茫兮哀民萌之勤瘁且閔閔以明農兮矧播夫之望歲遐水